

և սակաւ սակաւ, և լեալ բազմութեամբ յայտնապէս ել ի վերայ նորա, և ճակատեցան ընդ միմեանս մեծաւ յարձակմամբ ի դաշտն որ ասի Երլղըն: Եւ Հասանիքն, քանզի անհուն գոլով քաջութեամբ և բազմութեամբ զօրուն, պարտէին¹⁾ զնա անասելի կոտորմամբ և զաւարս և զկարասիս ջորովք և ձիովք բարձեալ զօրացն՝ առեալ ի բանակս իւրեանց տանէին: Եւ Մուրթագին խոցեալ Գ ձի՝ ստէպ փոխէին և անդէն մազապուր սակաւ արամբք փախեալ և ապա հովանայր, ասէ, ամօթով հեռարնակ մերձ Ամթայ քաղաքին: Եւ յերկուց կողմանց լինէր կոտոր[ած] իրրեւարանց Ի[Ռ]-աց: Եւ յորժամ լսէին և զայս որ աստ, նա՛ և վէզիրն զայրանայր բարկանայր ի վերայ Մուրթագին²⁾ և կայր ի տագնապի: Դարձեալ գրէ նախատինս նմա հանգերձ յուսադրանօք թէ Ի կենդանութիւն կայսեր մերում դրամ մեզ չէ պակաս և գանձ, և ոչ ևս զօրականս պակաս: Դարձեալ միւսանգամ հայեա՛ց ի քեզ, և իմաստութեամբ և հնարիւք ժողովեսցես արս հազարս և բիւրս որչափ և կամեսցիս՝ ի սահմանս և ի պետութիւնս Տիգրանակերտին, զամենայն միանգամայն գտցես. նաեւ փաշայքն որ աստէն առաքեալ իմ՝ քեզ օգնեսցեն. ողջ լի՛ր: Եւ նայ հնարէր և ոչ կարէր, կամէր ստանալ անունս և ոչ զիմանէր, փափաքէր մեծ փառաց և ոչ յառաջէր, տեսանէր զզօրս իւր պատրաստեալ եւ ի նոցունց առաւել երկնչէր, ինզրէր զմահ և ոչ հասանէր: Քանզի սաստկանայր հրաման թագաւորին՝ Ձի՞ նստիս, զի՞ յամառիս, զի՞ յուլանաս, զի՞ երկնչիս, ե՛լ ի վերայ Հասանին եւ պարտեա՛յ զնայ: Վասնզի վէզիրն ոչ կարէր զնալ յերկիւղէ եւ ի կարծեաց աստ եղեալ զօրացս, զի ի ճանապարհին գուցէ սպանցեն եւ կամ ընդ նոսա լի-

1) պարտէր.

2) մուրթուգին.